

# Friðlandið Gálgahraun í Garðabæ

## Samningur um umsjón og rekstur

### 1. gr.

#### *Samningsaðilar.*

Umhverfisstofnun, kt. 701002-2880 og Garðabær, kt. 570169-6109 gera með sér samning um umsjón og rekstur friðlandsins í Gálgahrauni í Garðabæ í samræmi við 30. grein laga um náttúruvernd, nr. 44/1999. Friðlýsta svæðið er 108,15 ha að flatarmáli en Gálgahraun er á þessu svæði að mestu ósnortið og eru þar áhugaverðar jarðmyndanir, áhugavert gróðurfar og fuglalíf, einnig menningarminja, en í hrauninu er m.a. forn gata og forn aftökustaður.

### 2. gr.

#### *Markmið samningsins.*


Markmið samningsins er að umsjón og rekstur friðlandsins í Gálgahrauni sé í samræmi við lög um náttúruvernd nr. 44/1999, reglur hins friðlýsta svæðis í samræmi við auglýsingu um friðlýsinguna í Stjórnartíðindum og reglugerð um innflutning, ræktun og dreifingu útlendra plöntutegunda nr. 583/2000. Samningur þessi tekur einnig mið af samningnum um verndun villtra plantna og dýra og lífsvæða í Evrópu (Bern 1979) sbr. Stj.tíð. C 17/1993, samningnum um líffræðilega fjölbreytni (Río de Janeiro 1992) sbr. Stj.tíð. C 3/1995 og hliðsjón af lögum um vernd, friðun og veiðar á villtum fuglum og villtum spendýrum, nr. 64/1994.


### 3. gr.

#### *Mörk verndarsvæðisins.*

Mörk hins friðlýsta svæðis er að norðanverðu frá eignarlandi Selskarðs, norðurströnd Gálgahrauns meðfram mörkum verndarsvæðis Skerjafjarðar að deiliskipulagssvæði Sjólandshverfis. Að austan og sunnanverðu eru mörkin veghelgunarsvæði Vífilsstaðavegar og Álftanesveggar samkvæmt aðalskipulagi Garðabæjar 2004-2016 m.s.b. að landi Selskarðs. Stærð svæðisins er 1,0815 km<sup>2</sup> (108,15 ha)

Mörkin eru sýnd á meðfylgjandi hnitsettum (ISN93) upprætti.





#### 4. gr.

##### *Verndaráætlun.*

Umhverfisstofnun í samstarfi við Garðabæ skal vinna að gerð verndaráætlunar fyrir friðlandið í Gálghrauni í samræmi við d lið 6. gr. laga um náttúruvernd, nr. 44/1999. Samið skal sérstaklega um skiptingu kostnaðar vegna gerðar verndaráætlunar.

#### 5. gr.

##### *Umsjón og landvarsla.*

Garðabær sér um daglegt eftirlit, umsjón og rekstur með friðlandinu. Málefnum sem upp kunna að koma og kalla á sérstakar ráðstafanir eða stjórnvaldsákvarðanir ber að vísa til náttúruverndardeildar Umhverfisstofnunar.

Umhverfisstofnun býður stafsmanni Garðabæjar sem umsjón hefur með verndarsvæðinu að sækja árlegan fund landvarða og Umhverfisstofnunar sem haldinn er að hausti ár hvert.

Landvörður skal uppfylla ákvæði 29. gr. laga um náttúruvernd, sbr. 1. gr. reglugerðar um landverði, nr. 61/1990.

6. gr.

*Fræðsla.*

Umhverfisstofnun og Garðabær hafa samstarf um útgáfu fræðsluefnis, svo sem bæklinga og skilti. Merki Garðabæjar og Umhverfisstofnunar skal vera á öllu fræðsluefni. Um skiptingu kostnaðar skal samið hverju sinni.

7. gr.

*Mannvirkjagerð og aðrar framkvæmdir.*

Öll mannvirkjagerð, jarðrask og önnur breyting á landi skal vera í samræmi við samþykktar skipulagsáætlanir, auglýsingu um friðlýsingu Gálghrauns og verndaráætlun. Varðandi allar framkvæmdir á verndarsvæðinu ber að fylgja ákvæðum 38. gr. laga um náttúruvernd.

8. gr.

*Gjaldtaka og þjónustugjöld.*

Garðabæ er heimilt að taka þóknun fyrir þjónustu sem veitt er innan friðlandsins svo sem leiðsögn um svæðið, sbr. 32. gr. laga um náttúruvernd.

9. gr.

*Skipting kostnaðar.*

Garðabær kostar laun og annan kostnað vegna daglegs eftirlits, umsjónar og rekstrar í friðlandinu. Um skiptingu kostnaðar sérstakra verkefna skal samið hverju sinni.

10. gr.

*Skýrslugerð.*

Garðabær skal gefa Umhverfisstofnun skýrslu ár hvert um ástand, framkvæmdir og aðra starfsemi í friðlandinu. Skila skal skýrslu til Umhverfisstofnunar í lok hvers starfsárs. Í skýrslunni skal tilgreina um veittar undanþágur ráðherra sbr. 11. gr. auglýsingar um friðlandið, ástand lands og lífríkis, fræðslu, gestafjölda, umgengni, framkvæmdir og kostnað af þeim og annað sem kann að skipta máli varðandi friðlandið.

11. gr.

*Eftirlit Umhverfisstofnunar.*

Umhverfisstofnun hefur eftirlit með því að umsjónar- og rekstraraðili uppfylli samningsskuldbindingar í samræmi við samning þennan, þær reglur sem gilda um náttúruverndarsvæðið sbr. auglýsingu um friðlýsinguna í Stjórnartíðindum, reglugerð um innflutning, ræktun og dreifingu útlendra plöntutegunda, nr. 583/2000, 30. gr. laga um náttúruvernd, nr. 44/1999, og verndaráætlun.

12. gr.

*Gildistími.*

Gildistími samnings þessa fyrir friðlandið í Gálghrauni er 10 ár frá undirritun og staðfestingu umhverfisráðherra.

13. gr.

*Ákvæði um endurskoðun.*

Hvor samningsaðili um sig getur óskað eftir endurskoðun á samningi þessum hvenær sem er. Þó skal endurskoða samninginn eigi síðar en að fimm árum liðnum.

14. gr.


*Gildistaka.*

Samningur þessi er í þremur samhljóða eintökum og heldur hvor samningsaðili einu eintaki og umhverfisráðherra einu.


Samningurinn tekur gildi við staðfestingu umhverfisráðherra.

*Garðabæ, 6. október 2009*

F.h. Umhverfisstofnunar

  
Kristín L. Arnadóttir  
forstjóri

F.h. Garðabæjar

  
Gunnar Einarsson  
bæjarstjóri



Staðfesting umhverfisráðherra



Svandís Svavarsdóttir  
ráðherra

Vottar:

